

SAMOA

Faatulagaina o Aiaiga

1. Igoa puupuu ma le amataga
2. Tulafono Autu
3. Faamatalaina o uiga o upu
4. Faaofiina o fuaiupu fou
5. Fuafuaga o faia ma tagata o lo o nofo aitalafu ai
6. Tagata Aloaia e Faaliliu Atu i ai ina ia totogi tupe i le faletupe
7. Faaofiina o fuaiupu fou

2010, Nu. 15**O SE TULAFONO e teuteu ai le Tulafono o le Gau-Mativa 1908.***[16 Aokuso 2010]*

UA FAIA e le Fono Aoaio Faitulafono a Samoa i totonu o le Palemene ua potopoto e faapea:

1. Igoa puupuu ma le amataga-(1) E mafai ona taua leni Tulafono o le Tulafono o Teuteuga o le Tulafono o le Gaumativa 2010.

(2) O leni Tulafono e amata faamamaluina i le aso e tuuina i ai le maliega a Le Ao o le Malo.

2. Tulafono Autu – I totonu o lenei Tulafono, “Tulafono Autu” o lona uiga o le Tulafono o le Gau-Mativa 1908 a Niu Sila e pei ona faaaogāina ia Samoa e le Tulafono Faapoloaiga o le Gau-Mativa a Samoa 1922.

3. Faamatalaina o uiga o upu – Ua teuteuina le fuaiupu 2 o le Tulafono Autu i le faaofiina i le faasologa sao o le pi faitau faa-Peretania o mea ua taua e faapea:

““Faamasinoga” o lona uiga o le Faamasinoga Sili a Samoa;

“Minisita” o lona uiga o le Minisita e fitoitonu ma Faamasinoga ma Pulega Tau Faamasinoga;”.

4. Faaofiina o fuaiupu fou – Ua teuteuina le Vaega II o le Tulafono Autu i le faaofiina i luma mai o le fuaiupu 25 ia fuaiupu ua taua e faapea:

“21. Tagata Aloaia e Faaliliu Atu i ai –I le noatia ma le fai fuafua i le fuaiupu 15 ma le 16, e mafai e le Minisita mai lea taimi i lea taimi ona tofia se Tagata Aloaia e Faaliliu Atu i ai mo faamoemoega o lenei Tulafono.

22. Agavaa o se Tagata Aloaia e Faaliliu Atu i ai – E ao i se Tagata Aloaia e Faaliliu Atu i ai ona i ai se agavaa ma le poto masani i le faafoega faatausi tusi, sueina faasuetusi po o le tulaga tau tupe.

23. Umi o le vaitaimi o le Tofi - E faamuta le vaitaimi o le tofiga o se Tagata Aloaia e Faaliliu Atu i ai pe a maea se mataupu na tofia ai o ia na te faafoeina.

24. E lē noatia le Tagata Aloaia e Faaliliu Atu i ai i se tagi - E lē noatia le Tagata Aloaia e Faaliliu Atu i ai i se tagi, moliaga po o se taualumaga e tusa ai o so o se gaoioiga ua faia pe leai foi i le agaga lelei i le faatinoga po o ua faamoemoe e faatino na o so o se malosiaga ua faaee atu e lenei Tulafono po o so o se isi lava Tulafono.”.

5. Fuafuaga ua faia ma tagata o lo o nofo aitalafu ai - Ua teuteuina le fuaiupu 118(27) o le Tulafono Autu i le aveesea i le tuanai ai o le “Tagata Aloaia e Faaliliu Atu i ai”, o le koma liliu (,) ma upu “o lea komisi e tatau ona totogiina i totonu o le Teugatupe a le Malo ma avea ma vaega o le Faaputugatupe Tuufaatasi”.

6. Tagata Aloaia e Faaliliu Atu i ai ina ia totogi tupe i le faletupe - Ua teuteuina le fuaiupu 119 o le Tulafono Autu i le:

(a) faafuaiupu (1), i le aveesea o le “Kovana Sili” ma sua i le “Minisita”; ma

(b) soloia -

(i) o le aiaiga ua taua, “ia tasi le teugatupe i le faletupe a le Tagata Aloaia e Faaliliu Atu i ai mo esetete uma”, lea e faasinomia i le Tulafono o le Pulega o Tupe 1931 (Nu. 2); ma

(ii) o le aiaiga ua taua “Teufaafaigaluega o paleni o tupe o teugatupe a le Tagata Aloaia e Faaliliu Atu i ai”, lea e faasinomia i le Tulafono o le Pulega o Tupe 1933 (Nu. 2).

7. Faaofiina o fuaiupu fou – Ua teuteuina le Tulafono Autu i le:

(a) faaofiina i le tuanai ai o le fuaiupu 119 e faapea:

“119A. Komisi e mafai ona totogi atu i le Tagata Aloaia e Faaliliu Atu i ai – O komisi uma e mafai ona totogi atu i le Tagata Aloaia e Faaliliu Atu i ai, e tatau ona totogi atu i le Faaputugatupe a le Matagaluega o Tupe.”; ma

(b) ia faaofi i le tuanai ai o le fuaiupu 154 e faapea:

“155. Lomiga faasalalau o faasilasilaga - O faasilasilaga e manaomia le lomiga e le Tagata Aloaia e Faaliliu Atu i ai, e tatau ona lomiga i se nusipepa o lo o faasalalauina i totonu o Samoa.”.

**O le Tulafono o Teuteuga o le Tulafono o le Gaumativa 2010
o lo o faafoeina e le Matagaluega o Faamasinoga
ma Pulega Tau Faamasinoga.**

**Lolomiina e le Failautusi o le Fono Aoaofaitulafono,
i le pule a le Fono Aoaofaitulafono.**